

sinna sedda önnistust nink siggidust ei näe, mes minno ellamissen om nink māratse rohke pōimo mul jāmme keswi, rūkki nink hernete polest omma toost ajast, kui minna kartohwlid mahha panne nink ristik-haina kūlwa? Mõllemhlide läbbis sawa põllo ülli wāga suggulikus tettus, nink kuis suurt toituisse warrandust ei anna sinnule kartohwli ütte wāikesse ma jao pāält? Kuis suurt warrandust tōpra sōda polest ei sada sinnule ristik-haina nurme? Kuis paljo parrembaste ei sa sinno farri toidetus, kuis ei sa põllowāitamisse nōuw ennambes tettus, mes mannu weel turba, muld nink samle tullewa, tahran tōprille alla panda. Kui minna temmale se pāle wastataši, et möisa sedda kūl omma sure jōhwoga wōis tetta, ent et ûts wāikenne tallo sedda es kōhtas, tōrel minno minno hā herra minno rummala kostusse perrast wāga, ni et mulle suur hābbi saiye. Minna pallesi temima kāest hāäd nouwo, kuis minna omma majapidamist piddi kōrda sāädma. Sedda hāäd nōuwo om temma mulle heldeste andnu nink minna olle holega selle perra tennu. Mes kašwo nink önnistust se nōuwo-wōtminne om tonu, ollete teije omme silmiga nānnu. Minno nurme surus om kolmekümne mōdetu wakka ossa maad. Enne teggi minna kūmme wakka talw- nink kūmme wakka tōu-wilja mahha; nūud om minnul eggal ajastajal ûtesa wakka ossa talw-wilja, kuwwe wakka ossa tōu-wilja, kolme wakka ossa kar-

tohwlsde, kuwwe wakka ossa ristik-haina al, minkest minna kattel ajastajal kolme wakka ossa rōa nurmes ülleskünnna. Wilja nurme omma kūl weide wāhhamba kui enne, ent neide siggidus terri nink sōda polest om paljo suremb, kui enne. Jāmmist keswist kartohwli-moo pāält sa minna katskeistkümmend semend; rūkkist sa minna kūmme semend, enne, kui paljo olli, sāitse semend. Kolme wakka ossa kartohwli - ma annap minnule fige wāhhambast 240 wakka. Pool sest, se om 120 wakka ehk 360 kūllimetti (kolmandiku) om ajastaja pāle wiljalt minno foggona perre eggapäiwatxes kolmekõrratxes sōdmajas, nink tōine pool jāáp tōpra toitusses nink sōdmikku tarvis. Ristik-hainu sa minna kattesatōiskümmend, ja ka mõnnikörd katskümmend nink katskümmend wiis koormat; sellega pea minna kige wāhhambast ütte tōhobbese nink kats kūnni-hārga ennamb; pāle se om mul suuwel hāäd wārskit sōta lehmile nink kūnni-hārjile nink rohkest haina-maad karja laske. Minno nurmi kange wāitamisse man wōi minna eggal ajastajal hā tūk maad linna mahha tetta nink selle hinnaga tassu minna omma kunninga-massu nink soeta hennele, mes minno maja tarwitus sola, kallu nink rawwa polest om. Nūud ei olle mul lainuswō:mist magazinist ennamb waja; minnul om aidan wanna rōa-semend nink hā taggawarra wilja nink ûts hūlk rahha rendi pāle antu.